



«ԱՐՄԱՎԻՐ 1» ՎԿ

ՎԵՐԱՊԱՏՐԱՍՏՎՈՂ ՈՒՍՈՒՑՉԻ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝ Խմբային քննարկումների ազդեցությունը սովորողների լեզվամտածողության և սոցիալական ունակությունների զարգացման վրա

Հետազոտող ուսուցիչ՝ Աննա Գասպարյան
Արմավիրի մարզի Մյասնիկյանի Արայի անվան
Միջնակարգ դպրոց

Մենթոր ուսուցիչ՝ Ա. Անտոնյան

Բովանդակություն

Բովանդակություն.....	2
Ներածություն.....	3
Գրական ակնարկ.....	5
Ինչպես իրականացնել արդյունավետ խմբային աշխատանք.....	6
Խմբերի ձևավորումը ըստ աշակերտների հետաքրքրությունների.....	7
Տարբերակումն ըստ կարողությունների.....	8
Դասարանի բաժանումը խմբերի.....	8
Ընտրություն նախապես կազմած ցուցակով.....	9
Խմբերում ընդգրկված աշակերտների թվի նշանակությունը.....	9
Միատարր և բազմատարր կառուցվածք ունեցող խմբերի ձևավորման մոտեցումները.....	9
Խմբեր կազմելու եղանակները.....	10
Կենտրոններով աշխատանք.....	10
Խմբային աշխատանքի օրինակ.....	12
Եզրակացություն.....	15
Օգտագործված գրականության ցանկ.....	17

Ներածություն

Մեր լեզուն բարձր լեռներից և խորունկ ձորերից ծնված լեզու է՝ բարձունքների ու խորությունների լեզու:

Ավետիք Բսահակյան

Գիտության զարգացումը մեզ լայն հնարավորություն է տալիս հասկանալու, թե ինչպես է տեղի ունենում սովորելու գործընթացը, ինչի կարիք ունի աշակերտը և ինչպես կարելի է կազմակերպել արդյունավետ դաս, որը կնպաստի համակողմանի զարգացած անձ ձևավորելուն, հնարավորություն է տալիս սովորողներին ձեռք բերել գիտելիքներ, կատարել կոնկրետ հանձնարարություններ, քննարկումներ, կայացնել որոշումներ, որոնք էլ նպաստում են սովորողի մեջ այնպիսի կարողությունների զարգացմանը, ինչպիսիք են՝ ճանաչողությունը, ինքնուրույն գործունեությունը, համագործակցությունը: Խթանում է հետաքրքրասիրությունը, ստեղծարարությունը, նպաստում է տարբեր իրավիճակներում կողմնորոշվելուն, լուծումներ տալուն և ներկայացնելուն:

Այս պայմաններում կարևոր է հանրակրթության դերի վերաիմաստավորումը: Կրթական փոփոխությունները, զարգացման ուղղություններն ու տեմպերը մանկավարժներից պահանջում են դասապրոցեսի կազմակերպման նոր ձևեր:

Կրթության կազմակերպման խնդիրներից են կրթական համայնքի ստեղծումը, սոցիալապես ակտիվ, ինքնակազմակերպվող խմբի համակեցությունը: Այդ խնդիրների լուծման լավագույն ճանապարհը խմբային քննարկումներն են է, որտեղ դրսևորվում են խմբի անդամների անհատական առանձնահատկությունները, միաժամանակ ձևավորվում են խմբի անդամին հատուկ կարողություններ՝ համագործակցելու, դիմացինին լսելու, հարգելու, ապրումակցելու:

Խմբային աշխատանքն ավելի արդյունավետ է դարձնում ուսուցման գործընթացը: Լավ կազմակերպված խմբային աշխատանքը մեծապես ազդում է սովորողների անհատականության և արժեքային համակարգի ձևավորման վրա: Խմբային աշխատանքը խթանում է սովորողների համատեղ մտավոր աշխատանքը, որի ժամանակ քննարկումները դառնում են ուսուցման միջոց:

Խմբային քննարկումները մեծապես նպաստում են աշակերտների լեզվամտածողության և սոցիալական ունակությունների զարգացման վրա: Քանի որ տարբեր լեզուներ ունեն լեզվական (այդ թվում հատկապես քերականական) արտահայտության տարբեր միջոցներ, բնականաբար, այդ լեզվով խոսողների լեզվական մտածողությունը որոշակիորեն տարբերվում է: Խմբային քննարկումների ժամանակ աշակերտները մտքերն արտահայտում են ավելի ազատ, անկաշկանդ, քանի որ այդ պահին իրենք են իրենց ուսուցիչը: Նրանք կարողանում են մշակել իրենց նյութը, փորձում են հասկանալ ինքնուրույն: Այնքանով է նպաստում լեզվամտածողության վրա, որ նյութը աշակերտը ընթերցում է, հասկանում, վերարտադրում իր ընկերների մոտ: Սկզբում տեքստի հիմնական իմաստը վերարտադրում է իր բառերով, իսկ այնուհետև արտահայտում է նյութի իմաստը՝ պահպանելով ուղղախոսության կանոնները:

Խմբային քննարկումների արդյունքում զարգանում է աշակերտների սոցիալական ունակությունները: Ջարգանում է սովորողի՝ սոցիալական միջավայրի պայմաններին հարմարվելու ունակությունը: Հարմարվողությունը սոցիալական գործընթացը պայմանավորող գործոններից մեկն է: Սովորողը կարողանում է հարմարվել նոր ու փոփոխվող միջավայրին, կատարում է համատեղ աշխատանք խմբի բոլոր անդամների հետ: Այդ խմբում հստակ գիտակցում է իր տեղն ու դերը, կարևորում է իր անձի նշանակությունը: Խմբային քննարկումների արդյունքում բարձրանում է նաև անձի ինքնագնահատականը:

Գրական ակնարկ

Այս աշխատանքում կներկայացնեմ, թե ինչին կարող է խթանել խմբային աշխատանքը, ինչպես են ձևավորվում խմբերը ըստ աշակերտների հետաքրքրությունների, ինչպես դասարանը բաժանել խմբերի, խմբում ներգրավված աշակերտների թվի նշանակությունը, տարբեր մեթոդների տիրապետելու նշանակությունը, խմբեր կազմելու եղանակները, խմբային աշխատանքի առավելությունները:

Ալեքս Ասբորնը նկարագրում է լեզվամտածողությանը նպաստող իր մեթոդիկան, որը տեղ է գտել «Ի^oնչպես հորինել» գրքում 1942 թ-ին: Խնդիրների լուծման օպերատիվ տարբերակներից մեկն է, որը հիմնված է ստեղծագործական գաղափարների հավաքագրման վրա, որի ընթացքում մասնակիցներին տրվում է հնարավորինս շատ լուծումների տարբերակներ:

Դելֆյան մեթոդի միջոցով իրականացվող վերլուծությունը անց է կացվում մի քանի փուլով, արդյունքները մշակվում են վիճակագրական մեթոդների միջոցով: Մեթոդի հիմնային սկզբունքը հետևյալում է՝ անկախ փորձագետների մի խումբ, ովքեր հաճախ չեն ճանաչում մեկը մյուսին, ավելի արդյունավետ են գնահատում ու կանխատեսում են արդյունքները, քան՝ մասնագիտական խմբերը: Թույլ է տալիս խուսափել հակառակ տեսակետներ ունեցող մասնագետների միմյանց հետ բախումից:

Դելֆի

Առաջարկել է ստեղծագործելու և մտածողության բազմաթիվ մեթոդիկաներ: Նա հանդիսանում է լատալ մտածողության հեղինակը, որը տարբերվում է սովորական հորիզոնական մտածողության ձևերի վրա հիմնված մեթոդիկաներից նրանով, որ հարցականի տակ է դնում ելքային պայմանները: Լատալ մտածողության տեսակներից մեկն է վեց գլխարկների մեթոդիկան (սպիտակ՝ վերլուծական մտածողություն,

կարմիր՝ զգացմունքային մտածողություն, սև՝ քննադատական մտածողություն, դեղին՝ լավատեսական մտածողություն, կանաչ՝ ստեղծագործական մտածողություն, կապույտ՝ լայնածավալ մտածողություն):

Էդուարդ դը Բոնո

Սոցիալական հարմարվողականության կարևոր բաղադրիչներն են՝ անձի գնահատականների, հավակնությունների, անձնական հնարավորությունների համաձայնեցում սոցիալական միջավայրի առանձնահատկության հետ, նրա նպատակների, արժեքների, կողմնորոշումների համաձայնեցումը կոնկրետ սոցիալական միջավայրում դրանք իրագործելու ընդունակության հետ:

Սոցիալական հարմարվողականության տեսակներից մեկը սոցիալ-հոգեբանական հարմարվողությունն է, այսինքն՝ անձի և սոցիալական միջավայրի այնպիսի փոխազդեցությունը, որը հանգեցնում է անձի և խմբի նպատակների ու արժեքների լավագույն հարաբերակցության:

Աշխատանքի ավարտից հետո կներկայացվի եզրակացություն և գրականության ցանկ:

Ինչպես իրականացնել արդյունավետ խմբային աշխատանք

Խմբային աշխատանքի արդյունավետ իրականացման համար պետք է խմբերը ձևավորել ըստ աշակերտների ընդունակությունների, հետաքրքրությունների: Խմբում աշխատելիս յուրաքանչյուրը հստակ պետք է գիտակցի իր դերը, ունենա պատասխանատվության զգացում:

Յուրաքանչյուր դասարան խմբերի բաժանելիս պետք է գտնել առավել հարմար եղանակ: Աշակերտներին միշտ պետք է հիշեցնել ժամանակի մասին և այն, որ դերերի բաշխումը կատարեն ճիշտ և խմբի յուրաքանչյուր անդամ իմանա իր անելիքը:

Դասավանդողը ինքը պիտի տիրապետի այդ կարողություններին, դառնա խմբի անդամներից մեկը, իր սաների հետ ստեղծի սոցիալական այնպիսի միջավայր,որ հետաքրքրի սովորողներին և խթանի նրանց ինքնուրույնությունը, նախաձեռնողականությունը, հետազոտելու ու ստեղծագործելու կարողությունը: Խմբային աշխատանքն ավելի արդյունավետ է դարձնում ուսուցման գործընթացը: Լավ կազմակերպված խմբային աշխատանքը մեծապես ազդում է սովորողների անհատականության և արժեքային համակարգի ձևավորման վրա:

Դասավանդողը ինքը պիտի տիրապետի այդ կարողություններին, դառնա խմբի անդամներից մեկը, իր սաների հետ ստեղծի սոցիալական այնպիսի միջավայր, որ հետաքրքրի սովորողներին և խթանի նրանց ինքնուրույնությունը, նախաձեռնողականությունը, հետազոտելու ու ստեղծագործելու կարողությունը:

Խմբերի ձևավորումը ըստ աշակերտների հետաքրքրությունների: Խմբերում պետք է ունենան միատարր կառուցվածք, միննույն խմբի մեջ ներառված աշակերտներին պետք է տրվի նույն առաջադրանքը: Պարտադիր չէ, որ խմբի անդամները համագործակցեն միմյանց հետ, տրված առաջադրանքները նրանք կարող են կատարել ինքնուրույն, իրարց անկախ: Նման դեպքերում հնարավոր է ստեղծել ավելի մեծ խմբեր: Այնուհանդերձ, եթե առաջադրանքը կատարելու համար անհրաժեշտ է, որ խմբի անդամները համագործակցեն միմյանց հետ, ապա խմբում պետք է ընդգրկված լինի ոչ ավելի, քան 3-5 աշակերտ: Խմբերի ձևավորման այս եղանակը հատկապես հարմար է շնորհալի երեխաների հետ աշխատանքի համար կամ այնպիսի իրավիճակներում, երբ անհրաժեշտ է, որ որոշ աշակերտներ առաջադիմության առումով հետ չմնան իրենց դասընկերներից:

Տարբերակումն ըստ կարողությունների: Այս դեպքում երեխաները բաժանվում են խմբերի ըստ իրենց ընդունակությունների: Քանի որ խմբերի անդամներն ինքնուրույն են աշխատում, անհրաժեշտություն չկա ստեղծելու փոքր (3-5 անդամից բաղկացած)

խմբեր:Յուրաքանչյուր աշակերտ իր առաջադրանքը կատարում է ինքնուրույն, մասամբ անհատական մոտեցմամբ:

Դասարանի բաժանումը խմբերի

Դասարանը խմբերի բաժանելու ձևերից են՝

- Հաշվելով (օրինակ՝ եթե դասարանը պետք է 4 խմբի բաժանվի,կանգնում են շրջանով և հաշվում են 1-4, որից հետո հանձնարարվում է 1-երին մեկ խումբ կազմել,2-երին մյուս խումբ և այլն):
- Քարտերի եղանակով խմբերի բաժանվելիս կարելի է քարտերի փոխարեն օգտագործել անհրաժեշտ խմբերի թվով գունավոր քարտեր (օրինակ՝ եթե դասարանը 3 խմբի է բաժանվելու, պետք է պատրաստել երեխաների թվով,սակայն 3 գույնի քարտեր՝ հավասար թվով):Քարտերի փոխարեն կարելի է օգտագործել կտրտված բացիկներ՝ երեխաները պետք է գտնեն իրենց բացիկի կտորներն ունեցողներին և խմբվեն նրանց մոտ:
- Ըստ նմանությունների և տարբերությունների (օրինակ՝ ըստ ծնված եղանակի, ըստ սիրած սպորտաձևի, ըստ հագուստի գույնի և այլն),եթե խմբերի քանակն ու խմբերում անհատների քանակը էական չէ:
- Ուսուցչի ընտրությամբ խմբերը, եթե յուրաքանչյուր խմբում տարբեր ընդունակություններ ունեցող աշակերտներ են, կամ խմբում աղջիկների և տղաների հավասար քանակ է պետք:

Խմբերի բաժանման ձևերն են՝ գունավոր քարտեր, երգերով, հաշվով, կտրտված նկարներով, վիճակահանությամբ, նախասիրությամբ, ծաղիկների թերթեր, երկրաչափական պատկերներ, ծննդյան օրեր, ձևագնդիկ:

Ընտրություն նախապես կազմած ցուցակով: Ուսուցիչը նախօրոք կազմում է աշակերտների ցուցակն այնպես, որ առաջին տեղում լինի ամենաուժեղ աշակերտը,

երկրորդում՝ նրան հավասար կամ մի փոքր ավելի թույլը և այսպես, նվազման կարգով շարունակում է՝ ցուցակի վերջում նշելով ամենաթույլ աշակերտի անունը:

Խմբի կազմում ընդգրկում է առաջինին և վերջինին, ինչպես նաև երկու հոգու՝ ցուցակի մեջտեղից: Եթե տղաների ու աղջիկների հարաբերությունը պահպանված չէ՝ կարելի է փոխարինել՝ օգտվելով ցուցակի միջին մասի անուններից: Անհրաժեշտ է համոզվել, որ խմբում չեն ընդգրկվել անհամատեղելի աշակերտներ կամ անբաժանելի ընկերներ: Եթե կարիք կա՝ փոխարինել: Խումբը կազմված է: Եթե որոշ աշակերտներ դուրս են մնացել՝ տեղավորել նրանց արդեն կազմված խմբերում՝ հաշվի առնելով վերը հիշատակված սկզբունքները:

Խմբային աշխատանքը թելադրում է աշխատանքային տեղերի ոչ ստանդարտ դասավորվածություն: Տարբերակները բազմազան են, սակայն խորհուրդ է տրվում պահպանել հետևյալ սկզբունքները.

- Ոչ ոք չպետք է նստի մեջքով դեպի գրատախտակը: Յուրաքանչյուրին պետք է տեսանելի լինի դասարանի կենտրոնական մասը՝ գրատախտակը:
- Աշակերտներից յուրաքանչյուրը պետք է կարողանա տեսնել իր խմբի բոլոր անդամներին:

Խմբերում ընդգրկված աշակերտների թվի նշանակությունը: Ամենափոքր խմբում պետք է ընդգրկված լինի առնվազն 3 աշակերտ, քանի որ դրանից պակաս լինելու դեպքում աշխատանքը խմբում դառնում է զույգերով կամ անհատական: Լավագույն տարբերակն այն է, երբ խմբում ընդգրկված է 4 աշակերտ, այս դեպքում յուրաքանչյուր մասնակից կարող է ունենալ իր ենթաառաջադրանքը և , ավելին, անհրաժեշտության դեպքում խմբի անդամներին կարելի է հեշտությամբ բաժանել զույգերի: Վեցից ավելի աշակերտներից բաղկացած խմբերը դժվար է կառավարել, քանի որ որոշ աշակերտներ կարող են չմասնակցել խմբի աշխատանքներին և նույնիսկ խանգարել մյուսներին:

Միատարր և բազմատարր կառուցվածք ունեցող խմբերի ձևավորման մոտեցումները: Միատարր կառուցվածք ունեցող խմբերի առանձնահատկությունն այն է, որ տվյալ առարկայում աշակերտների ընդունակություններն ու հետաքրքրությունները գրեթե նույնն են:

Բազմատարր կառուցվածք ունեցող խմբերի առանձնահատկությունն այն է, որ տվյալ առարկայում աշակերտների ընդունակություններն ու հետաքրքրություններն ակնհայտ տարբեր են: Վերջին դեպքում կարող է օգտակար լինել դերերի բաշխումը՝ ապահովելու, որ յուրաքանչյուր անդամ, իր ընդունակությունների սահմաններում, ներգրավվի խմբի աշխատանքներում: Նման խմբային աշխատանքն ապացուցում է այն տեսությունը, որ աշակերտները կարող են շատ արդյունավետ կերպով սովորել միմյանցից:

Խմբեր կազմելու եղանակները

Խումբը կարող է ձևավորվել պատահականության սկզբունքով, աշակերտների ցանկությամբ կամ էլ ուսուցչի կողմից՝ միտումնավոր կերպով: Խմբեր կազմելու ինքնակամ և համակարգված եղանակներին կարելի է դիմել կախված հետապնդվող նպատակներից:

Առավել արդյունավետ է խմբվելու համակարգված եղանակներից օգտվելը: Այն բոլոր երեխաներին միմյանց հետ շփվելու հնարավորություն է ընձեռում, աշակերտները սովորում են փոխհարաբերվել բոլորի , այլ ոչ միայն մտերիմների հետ: Դասարանում մթնոլորտն ավելի արագ է ջերմանում: Սակայն շատ հաճախ էլ իմաստ չունի փոփոխել խմբերը: Դա կարող է միմյանց հետ, գնալով ավելի արդյունավետ աշխատել սովորող խմբի գործունեությունը խափանել: Նման խմբերը կարելի է մի քանի շաբաթ չբաժանել: Խմբերը բաժանելուց և նոր խմբեր կազմելուց առաջ աշակերտներին հանձնարարել գնահատանքի խոսքեր հասցեագրել ընկերներին:

Կենտրոններով աշխատանք: Ստեղծվում են 4-5 հոգուց բաղկացած խմբեր: Խմբերը ստանում են տեքստը և մոտենում համապատասխան անվանումներով կենտրոններին: Խմբերում մասնակիցների ներգրավումը և խմբին համապատասխան կենտրոն ուղղորդելը կարող է լինել ինչպես նպատակային՝ համագործակցություն, որոշակի աշխատանքներում կարողությունների և հմտությունների խորացում, այնպես էլ պատահականության սկզբունքով:

Կենտրոններ.

- **Հետազոտողների կենտրոն**
- **Ստեղծագործողների կենտրոն**
- **Գրավոր աշխատանքի կենտրոն**
- **Բացահայտողների կենտրոն**

Ուսուցիչը կարող է իր հայեցողությամբ ավելացնել կամ պակասեցնել կենտրոնների թիվը՝ փոխելով կամ հարմարեցնելով անունները:

Բացահայտողների կենտրոն: Այս կենտրոնում աշխատողները ընթերցում են տեքստը, կատարում նշումներ, վեր հանում վերջինիս հիմնական միտքը, ենթատեքստը և ներկայացնում ընկերներին:

Հետազոտողների կենտրոն: Այս կենտրոնում աշխատողները ընթերցում են տեքստը և օգտվելով այդ պահին ձեռքի տակ եղած այլ աղբյուրներից՝ համացանց, գրականություն, փորձում են լրացուցիչ հետաքրքիր նյութեր հայթայթել տեքստի վերաբերյալ:

Ստեղծագործողների կենտրոն: Մասնակիցները, տեքստի առանձնահատկություններից ելնելով, փորձում են այն որևէ կերպ վերարտադրել և ներկայացնել, օրինակ՝ բեմականացում, պաստառի պատրաստում, նկարազարդում, երգ, պար և այլն:

Գրավոր աշխատանքի կենտրոն: Այս կենտրոնում աշխատողները ընթերցում են տեքստը և իրականացնում լեզվական կամ բառային աշխատանք՝ պահանջին համապատասխան:

Յուրաքանչյուր կենտրոնում աշխատանքի համար սովորողներին տրվում է որոշակի ժամանակ՝ կախված տեքստի ծավալից, սովորողների քանակից և

պատրաստվածությունից: Աշխատանքի ավարտին խմբերը միմյանց են ներկայացնում աշխատանքները:

Ուսումնական նյութը մատչելի դարձնելուն շատ են օգնում դիդակտիկ պարագաները և նյութերը՝ այն ամենը, ինչը ակադեմիական կրթությունը մոտեցնում է կյանքին:

Խմբային քննարկման օրինակ

Կներկայացնեմ **խմբային աշխատանքի** մեկ օրինակ, որը նպաստել է սովորողների լեզվամտածողության և սոցիալական ունակությունների զարգացմանը:

Խմբային աշխատանքը կատարվել է IV դասարանի II կիսամյակում <<Ես այսպե՛ս ասեմ, դու այնպե՛ս հասկացիր>>թեմայի ամփոփման ժամանակ:

Դասի նպատակները՝

- Վերհիշել ուսումնասիրած ստեղծագործությունների գաղափարը
- Ամրակայել առակի ժանրային առանձնահատկությունների վերաբերյալ գիտելիքները
- Մասնակցել դերային խաղին
- Բեմականացնել հերոսների երկխոսությունը՝ վերաբերմունք դրսևորելով բնագրի հերոսների արարքների նկատմամբ
- Իրականացնել համատեղ աշխատանք՝ ներգրավելով խմբի բոլոր անդամներին

Անհրաժեշտ պարագաներ՝

- Յուրաքանչյուր խմբի սեղանին դրված իրենց խմբի անվանումը
- Կերպարներին համապատասխան հագուստներ
- Առակագիրների նկարներ

- Առակների դասագրքեր
- Աշակերտներին տրվել են հետևյալ հարցերը՝

-Ինչու՞ էր թեման կոչվում «Ես այսպե՛ս ասեմ, դու այնպե՛ս հասկացիր»:

-Ի՞նչ գիտեք առակի մասին, ինչպե՞ս է այն ստեղծվել:

-Ո՞վ էր, որ պատմությունը դարձրեց առակ:

-Եզրպոսը ինչպե՞ս օգնեց պատմությանը:

-Ուրիշ ի՞նչ հայտնի առակագիրներ գիտեք:

- Դասարանը բաժանվել է վեց խմբի, յուրաքանչյուր խմբում չորս աշակերտ: Խմբերի անվանումները առակների վերնագրերն են: Յուրաքանչյուր խումբ ներկայացրել է իր առակը, իսկ մյուս խմբերը պիտի մեկնաբանեին առակի իմաստը:

Դասարանում ներկայացրել են «Վեճը», «Ճպուռն ու մրջյունը», «Առյուծն ու մուկը», «Տակառի լողը», «Այրի կինը և որդին», «Շախմատ» առակները: Աշակերտներին հանձնարավել էր, որ խմբով ներկայացնեն իրենց խմբի անվանը համապատասխանող առակը:

Առակները ներկայացնել աշակերտները կատարեցին դերերի բաշխում, ընտրեցին իրենց բնագրի հերոսներին համապատասխան հագուստները, դիմակները, որոնք կային դասարանում: Ուսուցչի հրահանգով աշակերտները չպիտի մոռանային ժամանակի մասին: Ժամանակը հստակ բաշխվում է և՛ պատրաստվելու, և՛ աշխատանքի ներկայացման համար:

Առակների ներկայացումից հետո աշակերտները խմբային քննարկման միջոցով ներկայացրին առած-ասացվածքներ: Գրատախտակի մի կողմում գունավոր թղթերով

փակցված էր առած-ասացվածքների սկիզբն, իսկ մյուս կողմում՝ ավարտը: Յուրաքանչյուր խումբ ներկայացնում է 2 առած-ասացվածք:

Առած-ասացվածքների ամբողջացումը նպաստում է աշակերտների լեզվամտածողության զարգացմանը:


Առակների ամփոփման վերջին փուլում աշակերտներին տրվում է 5 բուլետնոց շարադրանք: Շարադրանքը իրականացրել են հետևյալ հարցի շուրջ.

- Հերոսներից ու՞մ հետ կցանկանայիր ընկերանալ: Հիմնավորի՛ր ընտրությունդ:


Խմբերի աշխատանքը ամփոփվում է ուսուցչի կողմից մեկ մտքի արտահայտմամբ, որ առակները ունեն այլաբանական իմաստ, առակները ունեն խրատական իմաստ: Միշտ պետք է գտնել առակի դաստիարակչական կողմը:

Թեմայի ամփոփումը իրականացրել են հարց ու պատասխան մեթոդով: Դասին մասնակցել են քիչ թվով աշակերտներ, ամփոփումը այնքան էլ մնայուն չի եղել աշակերտների մոտ: Սակայն, երբ նույն թեմայի ամփոփումը իրականացրել են խմբային քննարկման միջոցով, ավելի արդյունավետ է եղել:

Սովորական քննարկման ժամանակ
նյութի յուրացման աստիճանը /I փուլ/



Խմբային աշխատանքի արդյունքը
/ II փուլ/



Եզրակացություն

Իմ կողմից կատարված հետազոտությունից պարզ դարձավ, որ աշխատանքի արդյունավետության բարձրացմանը մեծապես նպաստում են խմբային քննարկումները:

Խմբերով քննարկումը ավելի նպատակահարմար է կիրառել թեմաների ամփոփման ժամանակ: Քանի որ, երբ խումբը կատարում է քննարկում, մասնակցում են բոլորը, դրսևորում են պատասխանատվություն:

Խմբային քննարկումներին մասնակցում է դասարանում սովորող աշակերտների մեծամասնությունը: Այդ ամենի վառ ապացույցն է հետազոտությունից հետո մեր ունեցած արդյունքները: Ուսումնասիրությունը կատարվել է նույն թեման ամփոփելիս: Խմբային քննարկումները զարգացնում են սովորողի.

- Համատեղ մտավոր աշխատանքը, որի ժամանակ քննարկումները դառնում են ուսուցման միջոց
- Կամքի ուժը՝ միասին ընդունած կանոններն ու որոշումները հարգելու համար,
- Համագործակցությունը
- Փաստարկներ բերելու, դրանք մեկնաբանելու, հիմնավորելու ունակությունը
- Այլոց նկատմամբ հարգանքը
- Խմբի մաս լինելու գիտակցումը և խմբի համար պատասխանատվությունը

Լավ կազմակերպված խմբային աշխատանքը մեծապես ազդում է աշակերտների անհատականության և արժեքային համակարգի ձևավորման վրա՝

- Միասին մտածելը
- Հարմարվելու ունակությունը
- Համագործակցությունը
- Փաստարկներ բերելու /համոզելու ունակությունը/

- Այլոց նկատմամբ հարգանքը, տարակարծության նկատմամբ հանդուրժողականությունը
- Խմբի մաս լինելու փորձը
- Ավելի բարձր ընդունակություններով աշակերտը կատարում է <<ուսուցչի>> դերը (ուսանում ուսուցանելու ընթացքում):Սա բազմատարր կառուցվածք ունեցող գույզի տարբերակն է:

Օգտագործված գրականության ցանկ

1. <<Ուսուցման արդյունավետ հնարներ>>-Սերոբ Խաչատրյան 2020թ.
2. Ուսուցիչների վերապատրաստումների պլան և նյութեր-Երևան 2006
3. <<Լեզվի և մտածողության փոխհարաբերությունը տեքստում>>-Թադևոս Տոնոյան
4. Յու.Ա. Ամիրջանյան,Ա.Ս. Սահակյան-<<Մանկավարժություն>> ուսումնական ձեռնարկ
5. Ն.Հարությունյան,Ա.Ղազարյան-<<Սոցիալական մանկավարժություն>>, բուհական ձեռնարկ
6. <https://dpir.mskh.am/hy/node/773>
7. <https://aravus.schoolsite.am/%D5%B8%D6%82%D5%BD%D5%B8%D6%82%D6%81%D5%B9%D5%AB-%D5%A1%D5%B6%D5%AF%D5%B5%D5%B8%D6%82%D5%B6-2/>
8. https://hy.wikipedia.org/wiki/%D5%8D%D5%BF%D5%A5%D5%B2%D5%AE%D5%A1%D5%A3%D5%B8%D6%80%D5%AE%D5%A1%D5%AF%D5%A1%D5%B6_%D5%B4%D5%BF%D5%A1%D5%AE%D5%B8%D5%B2%D5%B8%D6%82%D5%A9%D5%B5%D5%A1%D5%B6_%D5%B4%D5%A5%D5%A9%D5%B8%D5%A4%D5%AB%D5%AF%D5%A1%D5%B6%D5%A5%D6%80
9. <https://hy.wiktionary.org/wiki/%D5%AC%D5%A5%D5%A6%D5%BE%D5%A1%D5%B4%D5%BF%D5%A1%D5%AE%D5%B8%D5%B2%D5%B8%D6%82%D5%A9%D5%B5%D5%B8%D6%82%D5%B6>